

Bolaodi ba Meedi bo tlile ka mehato e itseng madibohong ka nako ena ya seteraeke

Tshwane, 15 Phupu 2022 – Ditshebeletso tsa Lekgetho tsa Afrika Borwa (SARS) di lakatsa ho kokobetsa maikutlo a bahwebi le baeti hore di behile mehato e itseng madibohong a naha ho netefatsa hore ho ba le tshitiso e seng kae ka nako ena ya boipelaetso mona SARS.

SARS e tla netefatsa hore bokgoni bona bo latelang bo dula bo le teng ka dinako tsohle ka nako ena ya boipelaetso:

- Ho sebetswa ha ditsebahatso ho tla tswela pele jwalo ka tlwaelo;
- Dihlahlobo tse etswang ke batho tsa dithoto di tla tswela pele jwalo ka tlwaelo mme ho phethelwa ha hlahlobo ho tla etswa bohareng mme bo tsamaiswe ho latela nako ya dihora tse 24.
- Ba tsa kgwebisano ba se ba tsebisitswe ka mehato ena ya nakwana e kentsweng e mabapi le tumello le botsamaisi ba ditifikeiti tsa SADC tsa motso wa morwalo o tsamaiswang ho phatlalla le madiboho a naha. Lengolo le mabapi le sena le ile la phatlalatswa websaeteng ya SARS kajeno.
- Ditshebetso tsa madiboho di tla tswela pele jwalo ka tlwaelo ho latela basebetsi ba teng ka tshehetso ya palo e itseng ya bahlanka ba SARS ba tswang Ntlogolo le mabatoweng. Ditlelaente di kgothaletswa ho sebedisa boemakepe bo bong ebang sena se ka hlokahala.

SARS e tsitlallela ho dula e behile ba tsa kgwebo sehlohlolong sa ditaba mabapi le mehato efe kapa efe e meng e mabapi le seteraeke ho netefatsa hore ho ba le phallo e hlokanang ditshitiso ya kgwebisano. Ka kopo etela websaete ya SARS kagafetsa ho fumana tsa morao tjena tse mabapi le makala afe kapa afe a SARS kapa madiboho ao ka mohlomong a kwetsweng: [Latest on the SARS Industrial action impact | South African Revenue Service](#). Bahwebi ba nang le ditaba tse hlokolosi kapa ba nang le dipotso ba ka romela imeile ho OSC@sars.gov.za.

Ho fumana lesedi le fetang lena, ka kopo ikopanye le SarsMedia@sars.gov.za